

Wasserratta

Ausschnitte aus dem Programm 2009

Uf dr Gass törfsch nümma, trinka und ässa
in da Beizza raucha, au das isch verbii
üs nimmt's nu wunder, wo fühart das no hiii ?
Hüt Nacht am halbi eis
mach'i dr nögschi Scheiss
wia guat das niamert weiss
dass'i Luca Tenchio heiss !

Banana, Fiiga, - und au Dattla
Rich kasch werda - au mit sattla
Dr Sgarbi zeigt üs, - wia das goht
A richi Frau - a langa Droht
Wür dr Ospel - „ Sgarbi “ heissa
Wär d'UBS - nit am entgleissa !

D's Parlament - het tagt und gwählt
d's Resultat - hend's fascht verfählt
2009 - a grossi Kriisa
am beschta kasch - mit Puura bschiisa
Hämmerli, - Du tumma Puur
nu d'Widmer fahrt - in dinera Spuur

Luag amol - in's Huus vum Bund
Politisiara - isch nit gsund
ga tschogga kasch - oder baika
Herz und Galla - tüand do schtreika
verschiss'ner wärsch - jetz nu no dra
Müass'tisch d'Fritta - vur Widmer ha !

Dr Papscht, das isch - a huara Lappi
dä frisst glaubi - nu no Schappi
tuat är doch noji - Zöpf ifüahra
und alti Bischof - reaktivari
Für d'Frühmess müan's - nümma pressiara
si könd jetz z'Auto - in's Dach parkiara !

Haider, Haider, dini Welt isch dis Gaspedal
Haider, Haider, hüt isch Diar das doch scheissegal
Dunkli, Strossa, fahrtsch am liabschta am Telefon
Schu kunnt - dr Blatter
Dä vu Vischp,
Dä macht's noh,
Lot denn z'Auto nu stoh !

Blocher, kumm jo nümma
Jo nümma - in's Bundeshuus
Blocher, du bringsch'na nümma
Du bringsch'na nümma, dr nötig Schmuus

I mach' miar Sorga, Sorga um d'Schwiz
kunnt doch - dr Muurer und macht d'Leuthard spitz !

Bim ACS - wirsch nümma rot, damdam, damdam
dä Obig isch - würkli tot, damdam, damdam
Zum Frässa fahren's hüt ganz wit
D'Fraua nämen's au nit mit
Zum Dessert gönd's in's wissa Huus
Döt_git's_noi au Schoggimuuss !

Allas fahrt hi, allas fahrt her
Kreiselbau isch doch nit schwer
D'Löcher tüan's uf, und wieder zua
Si lönd üs eifach kei Ruha
D'Ringstross isch immer verschtopft, ohjeh
A n'Anndari kasch fascht nit neh
Ma meint fascht, sie hend öppis g'suacht, hi hi
Am Tenchio si's Hirn kann's nit sii !